

Игнатова Алина Андреевна,

Вөр-валён мичлун.

Миян Коми вөр-ва медся дона миянлы да мича. Мича сійö пуясөн, юясөн да шоръясөн. Но ми тайöс нинöм ог видзöй. Шыблалам быдлаö ёг, пестам бипур да ог кусöдöй сійöс. И весиг ог и мöвпыштлöй, мый ичöt бипурысь вермас сотчыны вöрыс дзоньнас. Юясö шыблалам став лöп-ёгсö да няйтсö. И дерт юяс миян лöбны няйтөн, пемыдөн да лёк дукаөн. А ми вермам доймавны весиг кор купайтчам да ёна вундысьны. Со öд кызди овлö, он кö видз ассыд вөр-ватö.

Но меным медся ёна кажитчö вөр-ваыс гожöмнас. Сэк сійö медся мича, гажа. Весиг шондйыс гожöмнас ёрö да шонтö аслыспöлöса: гажаа да мелia. Гөгöрбок шонид, гажа да лов вылад кокныд. А ваыс кутшöм шонид гожöмнад! Кöть он петавлы юсьыс, öтарö пыр вартчан и вартчан. Эжва юным миян зэв паськыд, мича да сöдз. Но ог кö кутöй сійöс дöзöбитны, то регыдөн Эжваным лоас мисьтöмөн да няйтөн. А öнi миян юын эм на вель уна чери, кодöс позьö кыйны кöть тöвнас, кöть гожöмнас, кöть арнас, кöть тулыснас. Вот ми батькöд быд гожöм кыйсям, но бара жö кутим казавны, мый чериыс кутис быд во бырны... Гожöмнас ставныс, кодлы абу дыш, ветлöдлöны вөрö тусьла да тшакла. И со вотчигөн ми бара жö дойдалам вöрсö: нетшкам тусьяссö вужнас, тальялам, комбайнөн нетшкам корьяссö, чегьялам увьяссö. И дерт та бöрын сэсся сэтчö нинöм нин оз пет. И регыдыя кадөн став тусьыс бырас, кутам кö тадзи вотчыны.

Но век жö гожöм - тайö медбур кад. Видзöдлан кö пуяс вылö водз асывнас, то позьö казавны, кызди найö мыссьöны лысванас, а сэсся лöсталöны шондi водзас асланыс турунвиж корьяснас. Но медся ёна синмад шыбитчöны вöсни кока кызьяс. Найö быттьö мичасьыс мича нывьяс сулалöны, еджыд сарапаньяс пасьталöмөн. Мый ещö вермас лоны мичаджыкыс.

Тöвся вöрыд абу жö мисьтöм. Тöвнас тэ быттьö веськалан мойдö. Ставыс гөгöрбок еджыд. Пуясыс сулалöны, быттьö лымбабаяс. Кызд пуяс югыд шапкаасьöмаöсь да водöмаöсь шойччыны. А козьяс да пожöм пуяс сулалöны сiдзи жö, кызди и гожöмнас: турунвижöсь сьöдоват кокьяснас.

А кор воас тулыс, сэк ми радлам. Öд сэки ставыс ловзьö, садьмö. Ты – юясыс вөссьöны йи улысь. Пуяс вылын паськалöны гарьяс. А недыр мысти тайö гарьяссьыс мыччысясны мича корьяс. Пуяс улын мыччысяс турунвиж

турун. И миянлы ставнымлы окота өдйөджык петны шоныд ывла ыло. Окота гуляйтны, ворсны да кыйөдны, кызди ставыс мичаммө, ловзё да садмө. Окота радлыны шондикөд өтвылысь аслам берингьяслы. Регыдөн заводитө сывны лым, и быдлаын артмөны ва гөпгьяс, кодгьяс вомөн зэв лөсьыд чеччавны.

А ар - тайө уна рөма нывбаба. Вөрүн пуяс сулалөны быдпөплөс рөмаөсь. Кодкө кольквиж, кутшөмкө кыз пу гөрдөват, мукөдыс гөрдсь. А өткымын пу век на сулалөны турунвижөсь. Татшөм кадас туйыс оз тыдав. Гөгөрбок вевтгысьсөма уна пөлөс эшкынөн. Арнас жө ми, велөдчысьяс, мунам школаө. Асывнас петам сад йөрө нетшкыны мича дзоридзгьяс велөдысьяслы. А дзоридзгьясыд өд оз жө вермыны быдмыны шондытөг да сынөдтөг. А сөстөм сынөдсө вайө миянлы вөр.

И вот со өні ме гөгөрвои, мый вөр-ва абу сөмын мича гождөмнас, но и мича быд кадө. И колө тайө мичсө дөзьөритны, видзны. Нинөм оз ков шыблавны ни вөрө, ни ваө. Оз ков быдлаө пестыны бипургьяс, а пестын кө, то колө бөрыннас бура кусөдны. Оз ков шыблавны быдлаө өгсө, стеклөторгьяс. Бурджык лоө, став өгсө кө бөр кутам нуны гортө. И со ставсө кө тайөс кутам вөчны, миян вөр-ваным көть неуна чисмыштас, да кутас ставыс бурджыка быдмыны.